

Ո Ր Ո Շ ՈՒ Մ N 01/4

/մաքսային վճարների գանձման մասին/

«18» հունվարի 2024թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, ուսումնասիրելով «ՆԱՐՇԻՆ ԳՐՈՒՊ» ՍՊԸ-ի (ՀՎՀՀ՝ 00918787, ք.Երևան, Նոր Նորք, 7-րդ զանգված, շենք 58, բն. 13, էլեկտրոնային փոստ՝ naroeleksanyan@mail.ru) անվամբ «Մաքսային տարանցում» մաքսային ընթացակարգով 2023 թվականի նոյեմբերի 14-ին լրացված թիվ 05100041/141123/0054197 տարանցման հայտարարագիրը և վարույթում առկա նյութերը,

Պ Ա Ր Զ Ե Ց Ի

«ՆԱՐՇԻՆ ԳՐՈՒՊ» ՍՊԸ-ի անվամբ 14.11.2023 թվականի թիվ 05100041/141123/0054197 տարանցման հայտարարագրով Հարավային մաքսատուն-վարչության Մեղրիի մաքսային կետ-բաժնով ՀՀ տարածք ներմուծված 36000 կգ անհիդրիդ գիպսը և այն ուղեկցող փաստաթղթերը սահմանված ժամկետում՝ մինչև 24.11.2023 թվականը, չի հասցվել նշանակման վայր՝ ՀՀ ՊԵԿ Երևանի մաքսային սպասարկման կենտրոն-մաքսատուն, վարչություն: Նշված փաստի առթիվ «Մաքսային կարգավորման մասին» ՀՀ օրենքի 305-րդ հոդվածի հատկանիշներով հարուցվել և իրականացվել է վարչական վարույթ:

«Մաքսային կարգավորման մասին» ՀՀ օրենքի 305-րդ հոդվածի հատկանիշներով հարուցված վարչական վարույթի շրջանակներում ՀՀ Ներքին գործերի նախարարության Ոստիկանության Սյունիքի մարզային վարչություն՝ թիվ 05100041/141123/0054197 տարանցման հայտարարագրով բեռը փոխադրող «DAF» մակնիշի, 007EE17/007K17 պետհամարանիշի բեռնատարի մասնակցությամբ վթարի վերաբերյալ կատարված հարցման արդյունքում պարզվել է, որ 2023 թվականի նոյեմբերի 17-ին ժամը 18:40-ի սահմաններում, Երևան-Մեղրի ավտոճանապարհի 205.6-րդ կմ հատվածում Սոս Սաշայի Հակոբյանն իր վարած «Ֆորդ Տրանզիտ» մակնիշի, 37 CN 193 հաշվառման համարանիշի ավտոմեքենայով բախվել է

ճանապարհի աջակողմյան հատվածում կայանված «DAF» մակնիշի, 007 EE 17 բեռնատար ավտոմեքենային, ինչի հետևանքով Սոս Հակոբյանը մարմնական վնասվածքներով տեղափոխվել է «Սիսիանի ԲԿ» ՓԲԸ:

Նշվածի վերաբերյալ ՀՀ քրեական դատավարության օրենսգրքի 176-րդ հոդվածով տրվել է հաղորդում և ուղարկվել է Սիսիանի քննչական բաժին: Նախաձեռնվել է 51-0107-23 քրեական վարույթը, որը 2023 թվականի դեկտեմբերի 7-ին կարճվել է՝ ՀՀ քրեական դատավարության օրենսգրքի 13-րդ հոդվածի 1-ին մասի 1-ին կետի հիմքով:

Վարչական վարույթի ընթացքում վարորդ Նարեկ Ռաֆիկի Ալեքսանյանը բացատրություն է ներկայացրել առ այն, որ Ագարակ-Երևան ճանապարհի Սիսիանի հատվածում թիվ 05100041/141123/0054197 տարանցման հայտարարագրով բեռը փոխադրող «DAF» մակնիշի, 007EE17/007K17 պետհամարանիշի բեռնատարի քարշակի փոխանցման տուփը խափանվել է և վերանորոգման աշխատանքների ձգձգման պատճառով բեռնատարը 7 օր կայանված է մնացել նույն հատվածում, որտեղ էլ մի քանի անգամ վթարվել է, սակայն վթարների արդյունքում բեռը և մաքսային ապահովման միջոցները չեն տուժել, միայն թեթևակի վնասվել է բեռը ծածկող տենտի մի փոքր հատվածը: Վերոնշյալ վթարների պատճառով բեռնատարի վերանորոգման գործընթացը կրկին երկարաձգվել է: Վերանորոգումից հետո բեռնատարը շարժվել է դեպի Երևան, սակայն հասնելով Տիգրանաշեն կոչվող հատված, կրկին խափանվել է: Բեռնատարը հասցվել է «Վալենսիա» ՀՁ ՍՊԸ ժամանակավոր պահպանման պահեստի մոտակայք և կրկին խափանվել, այդ իսկ պատճառով հնարավոր չի եղել ապրանքը ներկայացնել հայտարարագրման: Միաժամանակ հայտնել է, որ բեռը նշանակման մաքսային մարմին հասցնելու համար միջոցներ են ձեռնարկվում:

ՀՀ-ում 14.11.2023-31.12.2023թթ. ժամանակահատվածում «DAF» մակնիշի, 007EE17/007K17 պետհամարանիշի բեռնատարի մասնակցությամբ տեղի ունեցած վթարների մասին տեղեկատվություն ստանալու նպատակով հարցում է կատարվել ՀՀ Ներքին գործերի նախարարության պարեկային ծառայություն:

ՀՀ Ներքին գործերի նախարարության պարեկային ծառայությունից տրամադրել են տեղեկատվություն առ այն, որ բացի 2023 թվականի նոյեմբերի 17-ին ժամը 18:40-ի սահմաններում, Երևան-Մեղրի ավտոճանապարհի 205.6-րդ կմ հատվածում տեղի ունեցած վթարից այլ վթար «DAF» մակնիշի, 007EE17/007K17 պետհամարանիշի բեռնատարի

մասնակցությամբ տեղի չի ունեցել: Խափանված լինելու մասին տեղեկատվություն չի տրամադրվել:

ՀՄՎ ՄԳ բաժնի թիվ 1039 տեղեկանքի համաձայն՝ թիվ 05100041/141123/0054197 տարանցման հայտարարագրով ՀՀ ներմուծված ապրանքը ներքին սպառման համար բացթողում մաքսային ընթացակարգով հայտարարագրելու դեպքում մաքսային վճարները կկազմեին 188 601 ՀՀ դրամ, որից 152 331 ՀՀ դրամ ավելացված արժեքի հարկ, 36270 ՀՀ դրամ մաքսատուրք:

Մաքսային վճարների պարտավորության վերաբերյալ «ՆԱՐՇԻՆ ԳՐՈՒՊ» ՍՊԸ-ին ծանուցագրի միջոցով ուղարկվել է իրազեկում, որը նա ստացել է, սակայն այդ պարտավորության մարման ուղղությամբ ոչ մի գործողություն չի կատարվել:

«Մաքսային կարգավորման մասին» ՀՀ օրենքի 36-րդ հոդվածի 1-ին մասի համաձայն՝ «Մաքսային վճարներ են համարվում մաքսատուրքը, մաքսային մարմիններին վճարվող ավելացված արժեքի հարկը, ակցիզային հարկը և մաքսային գործառնությունների կատարման համար գանձվող պետական տուրքը»:

Նույն օրենքի 37-րդ հոդվածի 1-ին մասի համաձայն՝ «Մաքսատուրք, հարկեր, հատուկ, հակազնագցման և փոխհատուցման տուրքեր վճարողներ են համարվում հայտարարատուն կամ այն անձինք, որոնք, Միության մաքսային օրենսգրքի, Հայաստանի Հանրապետության օրենքների, Միության անդամ պետությունների միջազգային պայմանագրերի և սույն օրենքի համաձայն, կրում են մաքսատուրքի, հարկերի, հատուկ, հակազնագցման և փոխհատուցման տուրքերի վճարման պարտավորություն»:

Նույն օրենքի 58-րդ հոդվածի 1-ին մասի համաձայն՝ «Մաքսատուրքի, հարկերի, դրանց գծով տույժերի, տոկոսների, հատուկ, հակազնագցման և փոխհատուցման տուրքերի վճարման պարտավորությունը Հայաստանի Հանրապետության օրենսդրությամբ սահմանված կարգով և ժամկետում չկատարվելու դեպքում դրանց բռնագանձումը մաքսային մարմինների կողմից իրականացվում է օրենքով սահմանված կարգով և տարածվում է մաքսատուրք, հարկեր, հատուկ, հակազնագցման և փոխհատուցման տուրքեր վճարողի՝ Միության մաքսային օրենսգրքի 68-րդ հոդվածի 2-րդ կետում նշված միջոցների կամ այն ապրանքների վրա, որոնց համար չեն վճարվել այդ մաքսատուրքերը, հարկերը, հատուկ, հակազնագցման և փոխհատուցման տուրքերը»:

Համաձայն ԵԱՏՄ օրենսգրքի (այսուհետ՝ Օրենսգիրք) 153-րդ հոդվածի 1-ին մասի 1-ին ենթակետի՝ «Մաքսային տարանցում» մաքսային ընթացակարգով ձևակերպվող օտարերկրյա ապրանքների նկատմամբ ներմուծման մաքսատուրքերը, հարկերը, հատուկ, հակազնազցման, փոխհատուցման տուրքերը վճարելու պարտավորությունն առաջանում է՝ հայտարարատուի համար՝ մաքսային մարմնի կողմից տարանցման հայտարարագրի գրանցման պահից»:

ԵԱՏՄ մաքսային օրենսգրքի 83-րդ հոդվածի 1-ին մասի 4-րդ կետի համաձայն՝ «Որպես մաքսային ընթացակարգերով ձևակերպվող ապրանքների հայտարարատու կարող է հանդես գալ՝ փոխադրողը, այդ թվում՝ մաքսային փոխադրողը՝ «մաքսային տարանցում» մաքսային ընթացակարգի հայտագրման դեպքում»:

Համաձայն ԵԱՏՄ օրենսգրքի 153-րդ հոդվածի 5-րդ և 6-րդ մասերի՝ «Ներմուծման մաքսատուրքերը, հարկերը, հատուկ, հակազնազցման, փոխհատուցման տուրքերը վճարելու պարտավորությունը ենթակա է կատարման, եթե ապրանքները մաքսային մարմնի կողմից սահմանված մաքսային տարանցման ժամկետում չեն հասցվել դրանց առաքման վայր, և մաքսային ընթացակարգի գործողությունը չի ավարտվել սույն Օրենսգրքի 151-րդ հոդվածի 12-րդ կետով նախատեսված դեպքերում»:

Նշված հանգամանքի ի հայտ գալու դեպքում ներմուծման մաքսատուրքերը, հարկերը, հատուկ, հակազնազցման, փոխհատուցման տուրքերը վճարելու ժամկետ է համարվում ապրանքները «մաքսային տարանցում» մաքսային ընթացակարգով ձևակերպելու օրը:

Սույն հոդվածի 5-րդ կետում նշված հանգամանքի ի հայտ գալու դեպքում ներմուծման մաքսատուրքերը, հարկերը, հատուկ, հակազնազցման, փոխհատուցման տուրքերը ենթակա են վճարման այնպես, ինչպես եթե «մաքսային տարանցում» մաքսային ընթացակարգով ձևակերպված ապրանքները ձևակերպվեին «ներքին սպառման համար բացթողում» մաքսային ընթացակարգով՝ առանց սակագնային առանձնաշնորհումների և ներմուծման մաքսատուրքերի, հարկերի վճարման արտոնությունների կիրառման, իսկ անձնական օգտագործման ապրանքների դեպքում՝ այնպես, ինչպես եթե անձնական օգտագործման ապրանքները բաց թողնվեին ազատ շրջանառության մեջ:

Ներմուծման մաքսատուրքերը, հարկերը, հատուկ, հակազնազցման, փոխհատուցման տուրքերը հաշվարկելու համար կիրառվում են տարանցման հայտարարագիրը մաքսային

մարմնի կողմից գրանցվելու օրվա դրությամբ գործող ներմուծման մաքսատուրքերի, հարկերի, հատուկ, հակազնագցման, փոխհատուցման տուրքերի դրույքաչափերը:

Այն դեպքում, երբ մաքսային մարմինն իր տրամադրության տակ չունի ապրանքների (դրանց բնույթի, անվանման, քանակի, ծագման և (կամ) մաքսային արժեքի) մասին ճշգրիտ տեղեկություններ, վճարման ենթակա ներմուծման մաքսատուրքերի, հարկերի, հատուկ, հակազնագցման, փոխհատուցման տուրքերի հաշվարկման համար բազան որոշվում է մաքսային մարմնի մոտ առկա տեղեկությունների հիման վրա, իսկ ապրանքների դասակարգումն իրականացվում է հաշվի առնելով սույն Օրենսգրքի 20-րդ հոդվածի 3-րդ կետը:

Այն դեպքում, երբ Արտաքին տնտեսական գործունեության ապրանքային անվանացանկին համապատասխան ապրանքների ծածկագրերը սահմանված են 10 նիշից պակաս քանակով խմբավորման մակարդակով՝

ներմուծման մաքսատուրքերի հաշվարկման համար կիրառվում է այդ խմբավորման մեջ մտնող ապրանքներին համապատասխանող ներմուծման մաքսատուրքերի դրույքաչափերից ամենամեծը.

հարկերի հաշվարկման համար կիրառվում են ավելացված արժեքի հարկի դրույքաչափերից ամենամեծը և այդ խմբավորման մեջ մտնող այն ապրանքներին համապատասխանող ակցիզների (ակցիզային հարկի կամ ակցիզային վճարի) դրույքաչափերից ամենամեծը, որոնց նկատմամբ սահմանվել է ներմուծման մաքսատուրքերի դրույքաչափերից ամենամեծը.

Նշված դեպքով «ՆԱՐՇԻՆ ԳՐՈՒՊ» ՍՊԸ-ի անվամբ թիվ 05100041/141123/0054197 տարանցման հայտարարագրով ՀՀ ներմուծված 36000 կգ անհիդրիդ գիպսը «Ներքին սպառման համար բացթողում» մաքսային ընթացակարգով ձևակերպելու դեպքում կառաջանա մաքսային վճարների գծով պարտավորություն՝ ավելացված արժեքի հարկ՝ 188 601 ՀՀ դրամ:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքով, «Վարչարարության հիմունքների և վարչական վարույթի մասին» ՀՀ օրենքի 53-րդ, 58-րդ հոդվածներով՝

Ո Ր Ո Շ Ե Ց Ի

1. «ՆԱՐՇԻՆ ԳՐՈՒՊ» ՍՊԸ-ից (ՀՎՀՀ՝ 00918787, ք.Երևան, Նոր Նորք, 7-րդ զանգված, շենք 58, բն. 13, էլեկտրոնային փոստ՝ naroaleksanyan@mail.ru) հոգուտ պետբյուջեի գանձել 188 601 ՀՀ դրամ մաքսային վճարներ, որից 152 331 ՀՀ դրամ ավելացված արժեքի հարկ /հաշվեհամարն է՝ 900005010120/, 36270 ՀՀ դրամ մաքսատուրք /հաշվեհամարն է 900005000618/:

2. Որոշման մասին օրենքով սահմանված կարգով տեղյակ պահել «ՆԱՐՇԻՆ ԳՐՈՒՊ» ՍՊԸ-ին:

Որոշումն ուժի մեջ է մտնում ակտի ընդունման մասին օրենքով սահմանված կարգով իրազեկելուն հաջորդող օրվանից և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ Վարչական դատավարության մասին օրենսգրքով սահմանված կարգով վարչական դատարան:

Որոշումը կամավոր չկատարելու դեպքում այն կկատարվի Հարկադիր կատարումն ապահովող ծառայության միջոցով՝ պարտապանի հաշվին:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱՆ

